



## Եվրոպա և Հայաստան. Սաֆարովից հետո

Յեղիմայի՝ Ռիմա Խալաթյան

28.09.2012

*«Եվրոպան պետք է որոշի, իր կողմից դավանած արժեքներն են կարևոր, թե՛ ԼՂ հակամարտության շուրջ ձևավորված դիվանագիտական խաղերը: Առայժմ Եվրոպան ընտրել է երկրորդ տարբերակը:»*

*«ԼՂ հիմնախնդիրը և Եվրոպան», ՄՁՄԿ, 2007թ.<sup>1</sup>*

Եվրոպայի լռության մասին դեռևս 2007թ. գրված այս համառոտագիրը կարծես չի կորցրել իր հրատապությունն ու արդիականությունը: Եվրոպան, շարունակելով այս նույն քաղաքականությունը, աշխարհի առաջ կորցնում է օրերի և մարդու իրավունքների պաշտպանի հայրենիք լինելու դեմքը և, կարծես, փոքրիկ-փոքրիկ քայլերով մոտենում է գահավիժող անդունդին:

2004թ.-ին Բուդապեշտում հայ սպա Գուրգեն Մարգարյանին դաժանաբար սպանելու համար Հունգարիայի դատարանը Ադրբեջանի բանակի սպա Ռամիլ Սաֆարովին ցմահ ազատազրկման էր դատապարտել: Ադրբեջանին արտահանձնելուց հետո, սակայն, Իլիամ Ալիևը ներում էր շնորհել մարդասպանին: Նույն օրը՝ օգոստոսի 31-ին, ՀՀ նախագահ Սերժ Սարգսյանը պաշտոնապես հայտարարեց Հունգարիայի հետ դիվանագիտական հարաբերությունները կասեցնելու մասին:

«Իրենց այս համատեղ գործողություններով Հունգարիայի և Ադրբեջանի իշխանությունները դուռ բացեցին նման հանցագործությունների կրկնության համար: Այս որոշմամբ նրանք ուղերձ են տալիս մարդասպաններին: Նրանք այտուհետև գիտեն, որ Էթնիկ կամ կրոնական ատելության հողի վրա կատարված սպանությունը կարող է անպատիժ մնալ: Ես դա հանդուր-

Սայաթ Նովա 19, Երևան 0001

Հեռ./Ֆաքս՝ (374 10) 582638

Էլ՝փոստ՝ mail@ICHD.org

http://www.ICHD.org

ժել չե՛մ կարող: ՀՀ-ն դա հանդուրժել չի՛ կարող: Հայ ժողովուրդը դա չի ներելու»,<sup>2</sup> հայտարարեց ՀՀ նախագահը:<sup>2</sup>

Ռ. Սաֆարովի արտահանձնումը ու ազատ արձակումը դժգոհությունների մեծ ալիք բարձրացրեց հայերի շրջանում: Կազմակերպվեցին հայերի բողոքի ակցիաները տարբեր երկրների հունգարական դեսպանատների և հյուպատոսական ներկայացուցչությունների առջև: Հասարակությունը և պաշտոնական Երևանը պահանջում էին միջազգային կառույցների արձագանքը և ակնկալում համապատասխան գործողություններ:

Բաբվում մարդասպանին դիմավորեցին ինչպես հերոսի, սակայն Եվրոպան լռում էր: Ռ. Սաֆարովը դարձավ ոչ միայն Եվրոպական արդարադատության անաչառության ու անկաշառության փոփոխականության ցուցիչը, այլև համամարդկային արժեքներ դավանող Եվրոպայի անվտանգության գաղափարի ու սկզբունքների ամոթն ու խարանդ:<sup>3</sup>

Եվրոպայի ձայնը լսվեց միայն այս հանցավոր գործողություններից ուղիղ 14 օր անց: Սեպտեմբերի 13-ին Եվրոխորհրդարանը արտադերձ բանաձև ընդունեց Ռ. Սաֆարովի գործով: Այս բանաձևով նա դատապարտեց Ադրբեջանի նախագահի գործողությունները՝ Ռ. Սաֆարովին ազատ արձակելու կապակցությամբ, սակայն արդյո՞ք մեզ՝ հայերիս բավարար է այս գուտ խոսքերը՝ թղթի վրա գրված բառերը: Միանշանակ ո՛չ:

Այս արտահերթ բանաձևից կարելի է ընդգծել միայն 2-րդ կետը, որտեղ առանձնապես ասվում է « (Եվրախորհրդարանը) քննադատում է Ադրբեջանի նախագահի ԵՄ անդամ երկրում պատիժը կրող դատապարտված մարդասպան Ռամիլ Սաֆարովին ներելու որոշումը, գնահատում է այն որպես ժեստ, որն ուղղված է էլ ավելի

<sup>1</sup> ԼՂ հիմնախնդիրը և Եվրոպան, <http://ichd.org/?laid=2&com=module&module=static&id=354>  
<sup>2</sup> ՀՀ Նախագահ Սերժ Սարգսյանի խոսքը Հայաստանի Հանրապետությունում հավատարմագրված դեսպանների հետ հանդիպման ժամանակ, <http://www.president.am/hy/statements->

[and-messages/item/2012/08/31/President-Serzh-Sargsyan-speech-ambassadors/](http://www.president.am/hy/statements-and-messages/item/2012/08/31/President-Serzh-Sargsyan-speech-ambassadors/)  
<sup>3</sup> Սաֆարովի արտահանձնումը երկկողմանի պարտություն էր. Հայկ Դեմոյան, <http://haynews.am/hy/1346429706>

սրելու երկու երկրների միջև առկա լարվածության էսկալացիան, և, որը ավելի է սրում անարդարության զգացումը, այդպիսով ավելի մեծացնելով երկու երկրների միջև առկա անդունդը: (Եվրախորհրդարանը) մտահոգված է այն փաստով, որ այդ գործողությունը վտանգում է հանրությունների հաշտեցման բոլոր գործընթացները և կարող է վնասել հնարավոր ապագայի խաղաղ հարաբերությունները տարածաշրջանի քաղաքացիների միջև:»<sup>4</sup>

Այո՛, Եվրոխորհրդարանը քննադատում է Ադրբեջանի կամակոր նախագահի արարքները և դրանք գնահատում որպես արարք, որը ուղղված է տարածաշրջանում լարվածության թուլացման դեմ, սակայն այս նույն Եվրոխորհրդարանը և Եվրոպան «քննադատելուց» և «մտահոգված» լինելուց բացի ոչ մի այլ քայլ չի ձեռնարկում, թողնելով որպեսզի տարածաշրջանում երկու հարևանների միջև աստելությունը օրըստօրե ավելանա:

Արդարացնելով վայրագ մարդասպան Սաֆարովին՝ հարևան Ադրբեջանի նախագահը կարծես ուզում էր ևս մեկ անգամ փորձել միջազգային հանրության արձագանքը: Արդյո՞ք այն կլինի այնքան խուլ որքան 2005թ. Ջուդայի հայկական հուշարձանների ոչնչացման ժամանակ, կամ երբ Ալիևը հայտարարեց, որ

Երևանը և Չայաստանի Չանրապետության տարածքը ադրբեջանական են, և վերջապես արդյո՞ք այն կլինի այնքան խուլ, որքան Յիլարի Բլինթոնի այս տարվա հունիս ամսին Չայաստան այցի ժամանակ, երբ խախտվեց հրադադարի ռեժիմը, ոչ թե շփման գծում, այլ Չայ-ադրբեջանական սահմանին, որի հետևանքով սպանվեցին հայ զինվորներ: Ակնհայտ է դառնում, որ տեսնելով նման հանդուրժողականություն «մեծն ստրատեգը» ինչպե՞ս կարող էր հայտարարություններից հետո չանցնել գործողությունների:

Այս ամենից հետո, եթե Եվրոպան և Եվրոպական հեղինակավոր կառույցները բացի հայտարարություններ անելուց, հստակ քայլեր չձեռնարկեն Ադրբեջանի հանդեպ, ապա կարող ենք հանգիստ խղճով կարդալ Եվրոպական արդարադատության և մարդու իրավունքների պաշտպանի մահախոսականը: Ադրբեջանի նման երկիրը պետք է արժանանա քաղաքակիրթ աշխարհի դատապարտմանը: Եվ Եվրոպան վերջնականապես իր համար պետք է որոշի արդյո՞ք նա պատրաստ է իր ընտանիքի գրկում պահել մի երկրի, որտեղ հերոսացնում են Էթնիկ հողի վրա քնած մարդուն գազանաբար սպանած հանցագործին:

<sup>4</sup> European Parliament resolution on Azerbaijan: the Ramil Safarov case,

<http://www.europarl.europa.eu/sides/getDoc.do?type=MOTION&reference=P7-RC-2012-428&language=EN>